



Ие (өг-бүлө) капиталының сертификат ээлериниң кичээнгейинге!

Пенсия фондузунуң Тыва Республикада салбыры сертификат ээлеринге ие (өг-бүлө) капиталының акша-хөрөңгизин хоойлуда көрдүнмээн арга-биле ажыглаарыңга чөшпээрешпезин сагындырып турар. Ие капиталын "акшаже хуулдуруп" бээр деп турар оптуг-кажар фирмаларга, организацияларга бүзүревенер.

Билип алыңар! Ие капиталын холга туду ап болбас! Ие капиталын холга алырының кандыг-даа аргалары хоойлуга удур. Оран-сава садып алыры-биле меге, хоозун керээни чарып турары дээрге-ле, бодуңарның назы четпес ажы-төлүңерниң оран-савага хамаарышкан эт-хөрөңги эргелерин хажыдып турарыңары ол. РФ-тиң Өг-бүлө хоойлузу езугаар ажы-төлдүң эрге-ажыының камгалалын бүрүнү-биле ада-ие чорудар. Ажы-төлдүң эрге-ажыын чорудары - ада-иениң кол сагыш-човаашкыны болур ужурлуг. Ие капиталының акша-хөрөңгизин «чидирип» алыр болза, сертификат ээзи бодунуң ажы-төлүн келир үе чок арттырып, оларны ие капиталының акшазы-биле эртем-билигге чедирип алыр арганы чидирер.

ЧУГУЛА ЧҮҮП! Бир эвес бичии уруг шимчевес хөрөңгиниң (квартира, чер бажың, өрээл, ол ышкаш айыттыңан өнчү-хөрөңгиниң кезээ) ээзи апаар болза, назы четпээн ажы-төлдүң төлээзи болур ада-иеге (азыракчыга, азырап алыкчыга) ук өнчү-хөрөңги дээш үндүрүг төлээр хүлээлге тыптып кээр.

Ие (өг-бүлө) капиталының акшазын ажыглааны дээш харыысалга бүрүнү-биле силерде, ада-иелер. Ие капиталын шын ажыглаары чүгле силерниң шиитпиринерден хамааржыр. Өг-бүлө ажы-төлүнүң аас-кежиин бодаар, оларны камгалаар, сагыш човаар ужурлуг. Ынчангаш түр-кезек орулга-ажык хараарын бодавайн, ие капиталын ажыглап тура, уругларының эрге-ажыынче сагыш салыры чугула. Оларның база бодуңарның-даа келир үезин бодуңар. Ажы-төлүңерниң төлөптиг келир үези дээрге-ле, силерниң бодуңарның төлөптиг кыраан назылаарыңар-дыр.

Хүндүлүг ада-ие! Ие капиталының акша-хөрөңгизин холга алыр талазы-биле чигзинчиг саналдарга алыспаңар. Бир эвес сертификат ээзи боду күзевес болза, чигзинчиг, оптуг-кажар дугуржулга кылырынче кым-даа албадап шыдавас. Ындыг дугуржулгага чөпшээрэжиңтер болза, ие капиталының акшазын шуут чидирип алыр, а сертификат ээзи кеземче херээнге онаажыр.

**Бодуңарның ат-алдарыңарны база ажы-төлүңерниң келир үезин
бодап көрүңер!**